

不治也自 上欲厚親親之義則三入之吏亦可問也三者之
罪縷分絲析各以其律治之則紀綱可立人心可服光明正大
之德其永有辭於後世矣韓運既命推考韓景祿及其奴子會
飲者請依律治罪荅曰雖曰昏夜豈不知其避寓乎雖曰會飲會
飲人出來時捉之宜也不計王孫突入作亂令景祿之子
致傷雖法司之吏如此汎濫者豈可置之於尋常以待告官乎
所謂紀綱者徒於臺諫尊嚴而不計君臣上下之分乎 祖宗
朝雖臺諫有非事則治罪也法司徒以維持紀綱而下吏之有
非者不為非而反以上為非而論啓如此故無知胥吏不知王
室之尊嚴無所忌憚豈不痛心不允後累啓命推考景祿○上
御晝講

庚申 上御夕講○以成世章為嘉善大夫戶曹叅判李英賢
為通政大夫承政院同副承旨皆命也○夜四方如火氣

辛酉 上御朝講領經筵事尹旼曰兩司之啓或有過越而全
則適其實而無過激之言結縛禁更事甚可駭 上教以為唯